

# Vasto, Carnevale 2022 - "**La Štorie**" - Scritta da Fernando D'Annunzio

1

N'addr' anne si n'è jute, cara ggènde,  
s'aspètt' angòre nu miglioramènde.  
'Šta bbrutta bbèštie, chišta pandemije,  
da jìrsene nin trove cchiù la vije.

    Navigàme sol' a vvište,  
    nin tinéme cchiù cirtézze.

    'Šta canzone si fa trište  
    e nen porte cchiù allegrézze.

2

La Štorie 'n z'è ccandàte a mmo-fa-l'anne,  
pe' colpe sèmpre di chištu mmalanne,  
s' avé' calmàte ma s'è risbijiàte  
e angòre 'i fa šta preoccupàte.

    Lu vaccine mo ci šta  
    ma nin tutte li vo' fa',  
    lu "*green-pass*" nì 'i sone  
    e si fanne lu tambone.

3

Speriàme, doppe chištu Carnivàle,  
la situazione nin è tal' e quale.  
Speriàme ca štattéme cchiù tranquille  
e ca li vaccinàte è cchiù naquille.

    Li desidere ognune  
    di šta allégre e spiziràte,  
    nì li pò scurdà nisciune  
    quélle che séme passate.

4

Nghi li nutizie a la televisione,  
l'aggiurnamènde a lu "*smartefòne*",  
sapéme ogne jurne, ogne mumènde,  
di chišta situazione l'andamènde:

    cundaggiàte e vaccinàte,  
    tanda mila tambunàte,  
    chi šta in térapia intenzive,  
    chi s'è mmorte e chi è vive.

5

Tinéme li vaccine... è già ca'ccose,  
paricchie à fatte già la terza dose,  
s'avašte nin zi sa, picché ogne ttande  
arrive zitte zitte 'na variande.

    Ci šta "*delte*" e "*omicròn*"  
    fa 'mmalà tutte lu monne;  
    l'ome dice li scinziàte  
    ca nin è tand' arrajàte.

6

E nonoštande l'evitàe dice  
ca lu vaccine porte bbenefice,  
šta 'ngore chi n' gi crède e chi prutešte,  
intande 'štu mmalanne nin z'arrèšte.

Sarà la gnurandità  
o la mala 'nfurmazione,  
tanda ggènde méne sa  
e cchiù vo' tiné 'rraggione.

7

Ci šta pure la crise d'energije  
ch'à fatte zuffunà l'economije.  
Bbinzine, gas, luce e rrobba varie,  
di prèzze va ogne jurne cchiù pidàrie.

Li bbullette. ggià si sa,  
šta chi ni' li pò pagà.  
Canda jam' a fa la spése,  
ogne jurn' è 'na surprése.

8

E ddoppe economije e pandemije,  
ci šta lu clime e l'ecologgije;  
e pe' l'inquinamènde, tutte sanne  
ca 'štu pianéte si šta zuffunanne.

Uragàne e inundaziùne  
porte murte e dištuzziùne:  
li ghiacciàje che si squaje,  
l'acche di lu mare saje.

9

La vite a 'štu pianéte è cumprumuésse,  
šta li nazzione che nin zi 'ndirèsse,  
e pènz' a ugge, tand' a lu dumàne  
doppe ci pènze chille ch' arimàne.

Fanne manifeštaziune,  
ci partécipe li ggiune;  
ma è puche, certamende,  
chi ci crede seriamènde.

10

Di àddre pe' lu monne n' z'è parlàte,  
di lu "covidd" s'è preoccupàte.  
Ci šta da dice ch' a li Štat' Unìte  
nu prisidènte nòve hanne vutàte.

Trump à pèrse e, llì per lì,  
nin zi ni vuléve jì'  
e à mannate tanda ggènde  
a sfascià lu parlamènde.

11

A lu ddumil' e vvinde programmàte  
šté l'Olimpiade e lu Campiunàte,  
di 'n'anne l'hanne 'vut' arimannà  
pecché l'addr' anne n' z'è putùte fa'.

E l'eštàte ch'à passàte  
finalmènte s'è putùte,  
Olimpiade e Campiunàte,  
tutt' e ddù' séme gudùte.

12

È štate bbèlle la suddisfazione:  
l'Italie dill' Europe jé campione  
e contr' all'Inghiltèrre, a li rigùre,  
nu' séme fatte 'na bbèlla figùre.

L'Olimpiade addrettande:  
li vittorie n'à mangàte,  
a li gare cchiù 'mpurtande  
li midajje à conguistate.

13

Miništire, senatùre e debbutàte  
n'è bbune manghe pe' ffa la 'nzalàte..  
Pe' dda' nu' prisdènd' a 'šta nazzione:  
tanda prupošte sènza cunclusione.

Sette vodde hanne vutàte,  
sette vodde n' z'è quajjàte.  
N' z'è truvuàte prisdènde  
che va bbone a ttuttiquènde.

14

All' ùtem' hanne jute 'n prucissione  
a 'nginucchiars' annènd' a Mattarelle  
e ppe' salvà la facce a 'šta nazzione  
hanne cunvinde chilu "puvurèlle".

Pe' lu bbéne di l'Italie  
Mattarèlle à ditte scì,  
adà fa n'addr' e sètt' anne  
ma si ni vuléve jì.

15

Lu Uašte, gné lu monne e la nazzione,  
šta suppurtanne chišta situazione.  
La crise pur' aècche s'è ssindute  
e ttand' attività à 'vuta chiude

Ti fa male cirti jurne  
a ggirà pe' 'šti dinturne.  
Ér' allegre e pupulàte,  
mo è trište e disulàte.

16

A uttobre séme jute a rivutà,  
lu Sìneche s'adév' arinnuvuà.  
Doppe che s'è vutate e arivutate,  
Francesco Menna è štate confermàte.

Li prumuésse jé naquille,  
tutte bbune e ttutte bbille,  
se prugrèsse nì vvidéme,  
a "La Štorie" li mittéme.

17

Di li prubbleme grusse di Lu Uašte,  
tande ne ére e tandè n'è rimašte;  
mo che s'è rinnuvuàte l'assessure,  
vidéme s'è cchiù mméje lu future.

Da che sém' arivutate  
quattre mise à già passate.  
Sèmpr' appés' a cchili chiove,  
lu sutuacce nin zi move.

18

E ddoppe li "variande" che fa male  
šta pure la variande a la Štatàle;  
l'ANAS ha todde già li dicisiùne,  
sènza sindì Pruvìnge né Cumune.

Nin zi tròvene d'accorde,  
Ešt, Ovèšt, Sud e Nord,  
chi ammond' e chi abballe,  
chi li vo' 'rrét' a li spalle.

19

Di la ciclàbbile nu bbuèlle pèzze  
è štate cumblitàte e ognun' apprèzze.  
Li gallarì pe' ttutte la lunghézze  
è štat' apèrte e mèsse 'n zicurèzze.

Chi a ppéte e chi a ccavalle  
va la ggènde mond' e bballe.  
Aria bbone e bbèlla vište,  
sci' bbindétte chila pište.

20

Nin pò parlà di tutte 'šta canzone,  
purtroppe adéma fa la cunglusione,  
sarrà ca nin gi šta tanda poesìje,  
però la colpe è di la pandemìje.

Nghi l'augurie d'ogne bbéne  
'šta canzone mo chiudéme  
e speriamo ca n'addr' anne  
scumbuarisce 'štu mmualanne!

AGGIUNTA ALL'ULTIMO MOMENTO:

A

Ma che s' à mèsse 'n gape 'štu fìtènde...  
di scatinà 'šta huèrr' a tradimènde?

A ch' à sirvùte allòre lu passàte  
se niènde prùpie 'i séme 'mbaràte?

Li putìnde fa la huèrre...

Fanne sùbbete a ddcide.

Isse štann' a lu palazze  
e lu pòpele s' accide.

B

La pace è bbèlle, li sa tuttiquènde...

Lu Pape prèdiche... Ma chi li sènde?...

Mentre di fame more tanda ggènde,  
šta chille ch' arinnove l'armamènde.

Già lavite è solamènde

'na 'ffacciàte di finèštire...

Nu pinzàme a šta divìse,  
chi a siništire e chi a ddèštire.